



UDRUŽENJE GRAĐANA ZA POVRAT STARE
DEVIZNE ŠTEDNJE U BiH i DIJASPORI

RAIFFEISEN BANKA
ž.r. 161045003682073
e-mail: nnisic@spinter.net
www.starastednjabh.org

Sjedište: Banja Luka 78000
I. G. Kovačića 139b
tel. 051/380-738
fax. 051/381-374

UPRAVNI ODBOR

Broj: 1565/10

Banja Luka, 29.07.2010

Fax 033 282 613

SAVJET MINISTARA BiH

Predsjedavajućem, gospodinu NIKOLI ŠPIRIĆU

71000 S A R A J E V O

Trg BiH 1

Predmet: Molba za prijem Delegacije Udruženja građana za povrat stare devizne štednje u BiH i dijaspori, Banjaluka i Udruženja građana za zaštitu ljudskih prava "Topli dom", Sarajevo.

Poštovani Predsjedavajući Savjeta Ministara BiH , gospodine Nikola Špiriću!

Udruženje građana za povrat stare devizne štednje u BiH i dijaspori Banjaluka i Udruženje za zaštitu ljudskih prava građana „Topli dom” Ilidža – Sarajevo obraćaju Vam se s molbom da primete Delegaciju ovih udruženja radi Dogovora o uključivanju predstavnika ovih organizacija u ekspertsku grupu BiH za utvrđivanje strategije i modaliteta povratka njihove /stare/ devizne štednje od strane Ljubljanske banke, Slovenija i Investbanke, Srbija, i njihovo aktivno učestvovanje u aktivnostima Savjeta ministara BiH u direktnom kontaktu sa predstavnicima Srbije i Slovenije.

Blizu dvjesto hiljada građana Bosne i Hercegovine, koji su s povjerenjem uložili svoja devizna sredstva na štednju kod Ljubljanske i Invest banke Beograd u predratnom periodu, a kojim je tu štednju garantovala njihova bivša država, danas pate na granici svoje egzistencije, osiromašeni i prevareni, jer njihova sadašnja država BiH, ne preduzima odgovarajuće radnje niti preduzima adekvatne mjere za zaštitu njihovih prava na povratak njihove štednje, koju su im uzurpirale susjedne države Slovenija i Srbija. Ta masa prevarenih građana izgubila je nadu i povjerenje u svoju državu zbog njene pasivnosti i nebrige za tolike hiljade svojih prevarenih i osiromašenih građanima, i direktno se obratila za pomoć nadležnom međunarodnim organima i organima država dužnika.

Iz gore navedenih razloga, obeznađene i od svoje države zapostavljene devizne štediša iz Bosne i Hercegovine, odlučile su da samostalno, putem predstavnika ovih organizacija, traže zaštitu svojih prava na svoju imovinu, kako kod država dužnika tako i kod Evropskog suda za ljudska prava u Strazburu i nadležnih organa

svjetske i Evropske zajednice. U tom cilju su predstavnici oštećenih i prevarenih štediša iz BiH formirali je svoju Komisiju koja je, kao stranka u sporu pred Evropskim sudom za ljudska prava u Strazburu tužila Sloveniju i Srbiju zbog uzurpacije njihove imovine, i u tom cilju zatražila pomoć od EU. U tom cilju tužiće i svoju državu BiH, zbog neizvršavanja njene obaveze, potrebne zaštite ljudskih prava svojih građana, kao i nanesene im materijalne i nematerijalne štete zloupotrebama devizne štednje, te njenom pasivnošću da te zloupotrebe spriječi u proteklom vremenu. Kao krajnju mjeru, stotine hiljada oštećenih i prevarenih štediša, namjeravaju održati protestni miting pred sjedištem Savjeta, i blokadu rada svih privrednih i drugih subjekata Slovenije i Srbije u Bosni i Hercegovini, u kom slučaju, neprimjerene radnje razočaranih štediša nećemo moći kontrolisati.

Imajući u vidu štete štediša i njihove opravdane frustracije kao i moguće posljedice njihovih planiranih protesta, zahtijevamo da Vijeće ministara hitno preduzme sve proceduralne radnje iz svoje nadležnosti prema državama dužnicima, u potpunoj saradnji sa predstavnicima štediša, a u cilju efikasnije zaštite prava svojih građana i brzog povratka njihovih štednih uloga kod pomenutih banaka, uz odgovarajuću kamatu za cijeli protekli period i to, ne kao sukcesivnu nego isključivo kao privatnu imovinu štediša.

U smislu ovih zahtjeva, obratili smo se pismeno i predsjednicima država dužnika Republike Slovenije gospodinu Danilu Türku i Republike Srbije gospodinu Borisu Tadiću.

Još jednom molimo razumijevanje i hitan prijem naše delegacije radi konkretnog dogovora o efikasnoj saradnji u radu na povratku stare devizne štednje građanima i u cilju izbjegavanja sporova i tužbi pred međunarodnim subjektima i obustavljanja protesta štediša na štetu digniteta naše države na međunarodnom planu.

Ovo pismo biće upućeno Generalnom sekretaru Savjeta Evrope i predsjedniku Evropskog suda za ljudska prava u Strazburu!

U očekivanju Vašeg poziva po našem zahtjevu, srdačno Vas pozdravljamo.

Za Upravni Odbor Udruženja za
povrat stare devizne štednje
u BiH i dijaspori

PREDSJEDNIK

Svetozar Nišić



Za Udruženje za zaštitu
ljudskih prava građana
"Topli dom"

PREDSJEDNIK

Dr. Nikola Vujnović, dipl.pr

